

詞學小叢書之三

胡雲翼編

清
代
詞
選

子雲題

舊



由國家圖書館數位化、典藏

詞學小叢書之三十一 胡雲翼編

清
代
詞
選

上海教育書店發行



833.7
8433
36

題記



清代詞選，最重要的有三部：一為納蘭性德與顧貞觀合選的今詞初集，一為王昶的清詞綜，一為譚獻的篋中詞。納蘭所選，僅及清初；王選亦止于乾嘉；惟譚氏選本，迄于清末，量雖不多，總算是比較完全的選集。

詞至清代，雖不能說是黃金時期，然此三百年中詞的量的發展，則兩宋視之亦瞠乎其後。論者至謂清詞人有四千之多。此雖非精密統計之結果，然

134418

清詞之盛，實令人嘆觀止也。

在這人才濟濟的清詞壇裏面，大體說來，是分爲兩條線索發展的：一條線索是朱彝尊派的浙詞，一條線索是張惠言派的常州詞。王昶是偏于浙派的，譚獻是偏于常州派的，故各人選詞觀點不同。究其實，則清詞的宗尚雖有南宋北宋之分，然他們的作品絕不如南北宋之迥不相同。換言之，我們除了在主張上看出兩派的互相水火外，要從作品上去說明這兩大派作風的殊異，實在是很困難的。同時，在同一個派別裏面，我們倒很容易看出同派作

家的重要的殊異出來。

因此，我們對於清詞研究，第一要摒除所謂『派』的觀念。我們應該不問其爲朱彝尊或厲鶚，不問其爲張惠言或周濟，都把他當作一律的詞人看待，用純文學的眼光來讀他的詞，不爲門戶之見所囿，然後才能真正了解清詞的價值。

我這本小小的清代詞選，共錄詞家一二九人，錄詞二二八首，這在清代詞壇裏面，只是最小的一部分，當然不能據以代表清詞的價值，但望讀者能因此引起研究清詞的興趣而已。

編者，二二，五，三。

目錄

| | | |
|-------|-------|---|
| 吳偉業三首 | | 一 |
| 龔鼎孳一首 | | 二 |
| 曹溶二首 | | 三 |
| 李雯三首 | | 四 |
| 梁清標三首 | | 六 |
| 宋徵璧一首 | | 七 |
| 宋琬二首 | | 八 |
| 王士禛一首 | | 九 |

| | |
|-------|----|
| 周季琬一首 | 九 |
| 張淵懿三首 | 一〇 |
| 王士禎五首 | 一一 |
| 董 兪二首 | 一四 |
| 曹貞吉二首 | 一五 |
| 陸 埜一首 | 一六 |
| 汪 价一首 | 一七 |
| 毛先舒一首 | 一七 |
| 吳 綺三首 | 一八 |
| 佟世南二首 | 二〇 |

| | |
|--------|----|
| 顧貞觀四首 | 二二 |
| 錢芳標一首 | 二四 |
| 納蘭性德五首 | 二四 |
| 彭孫適四首 | 二五 |
| 周清原一首 | 二六 |
| 尤侗二首 | 二九 |
| 毛奇齡一首 | 三〇 |
| 徐鉉一首 | 三〇 |
| 朱彝尊七首 | 三一 |
| 陳維崧四首 | 三五 |

| | |
|-------|----|
| 嚴繩孫二首 | 三六 |
| 李良年一首 | 三九 |
| 李符三首 | 四〇 |
| 沈皞日二首 | 四二 |
| 李璿一首 | 四三 |
| 吳儀一一首 | 四四 |
| 沈岸登二首 | 四四 |
| 徐允哲一首 | 四六 |
| 李珍一首 | 四六 |
| 龔翔麟三首 | 四七 |

| | |
|-------|---|
| 陸 培一首 | 六 |
| 張奕樞二首 | 六 |
| 王時翔二首 | 七 |
| 王 懷二首 | 七 |
| 毛 健三首 | 七 |
| 王 輅一首 | 七 |
| 王 策四首 | 七 |
| 吳 焯一首 | 七 |
| 鄭 燮一首 | 七 |
| 馬曰璐一首 | 六 |

| | | | | | |
|---|----|---|---|-------|---|
| 陳 | 章 | 二 | 首 | | 七 |
| 王 | 太岳 | 二 | 首 | | 九 |
| 鄭 | 廷暘 | 一 | 首 | | 〇 |
| 韓 | 騏 | 一 | 首 | | 一 |
| 江 | 炳炎 | 三 | 首 | | 二 |
| 江 | 昱 | 三 | 首 | | 四 |
| 張 | 四科 | 三 | 首 | | 六 |
| 江 | 昉 | 三 | 首 | | 八 |
| 史 | 承謙 | 一 | 首 | | 九 |
| 任 | 曾貽 | 一 | 首 | | 〇 |

| | |
|-------|----|
| 朱芳靄一首 | 九一 |
| 吳煇一首 | 九一 |
| 王鳴盛一首 | 九二 |
| 過春山二首 | 九三 |
| 朱昂一首 | 九四 |
| 蔣士銓一首 | 九五 |
| 吳泰來一首 | 九五 |
| 趙文哲三首 | 九六 |
| 諸廷槐一首 | 九六 |
| 林蕃鍾二首 | 九八 |

| | |
|-------|-----|
| 沈起鳳一首 | 九 |
| 蔣元龍一首 | 一〇〇 |
| 汪照一首 | 一〇一 |
| 黃景仁四首 | 一〇二 |
| 吳蔚光一首 | 一〇四 |
| 沈清瑞三首 | 一〇四 |
| 陳澤泰一首 | 一〇六 |
| 余鵬翀一首 | 一〇六 |
| 王初桐一首 | 一〇七 |
| 殷如梅一首 | 一〇八 |

| | | |
|-------|-------|----|
| 郭 麐一首 | | 二六 |
| 史 麟一首 | | 二八 |
| 張惠言三首 | | 二九 |
| 張 琦一首 | | 三一 |
| 周 濟二首 | | 三三 |
| 董士錫一首 | | 三三 |
| 宋翔鳳一首 | | 三四 |
| 汪全德一首 | | 三五 |
| 周之琦一首 | | 三五 |
| 汪潮生一首 | | 三六 |

| | | | |
|-----|----|----|----|
| 項鴻祚 | 三首 | …… | 二七 |
| 沈傳柱 | 一首 | …… | 一九 |
| 許宗衡 | 一首 | …… | 一〇 |
| 蔣敦復 | 一首 | …… | 一三 |
| 蔣春霖 | 五首 | …… | 一三 |
| 丁至和 | 一首 | …… | 一五 |
| 張景祈 | 一首 | …… | 一五 |
| 莊 械 | 一首 | …… | 一五 |
| 王鵬運 | 一首 | …… | 一七 |
| 鄭文焯 | 二首 | …… | 一八 |
| 馮 煦 | 一首 | …… | 一九 |

吳偉業

字駿公，號梅村，太倉人。有梅村詞二卷。

如夢令

鎮日鶯愁燕懶，徧地落紅誰管。睡起燕沉香，小飲
碧螺春盃。簾捲，簾捲，一任柳絲風軟。

浣溪沙

斷頰微紅眼半醒，背人幕地下階行，摘花高處賭身
輕。細撥薰爐香繚繞，嫩塗吟紙墨欹傾，慣猜閒
事爲聰明。

西江月詠別

烏鵲橋頭夜話，櫻桃花下春愁。廉纖細雨綠楊舟，
畫閣玉人垂手。紅袖盈盈粉淚，青山翦翦明眸。
今宵好夢倩誰收，一枕別時殘酒。

龔鼎孳

字孝

，號芝麓，合肥人。有三十二芙蓉詞一卷。

點絳脣

詠草和林和靖韻

簾外河橋，綠園裙帶無人主。繡鸞行處，踏碎梨花
雨。目送春山，南浦烟光暮。牽春去，柔腸無
數，蘇小門前路。

曹

溶

字潔躬，嘉興人。有靜惕堂詞一卷。

滿江紅

錢唐觀潮

浪湧蓬萊，高飛撼，宋家宮闕。誰盪激，靈胥一怒，惹冠衝髮。點點征帆都卸了，海門急鼓聲初發，似萬羣，風馬驟銀鞍，爭超越。江妃笑，堆成雪。鮫人舞，圓如月。正危樓湍轉晚來愁絕。城上吳山遮不住，亂濤穿到巖灘歇。是英雄，未死報讎心，秋時節。

蝶戀花

杏花

深巷賣花將客喚，候逼清明，記取韶光半。玉勒城南芳草岸，少年情味天難管。斜倚一枝嬌盼遠，沽酒他家，細雨空零亂。淚濕粉渦紅尙淺，有人樓上和春倦。

李 雯

字舒章，江南華亭人。有蓼齋詞一卷。

菩薩蠻

薔薇未洗臙脂雨，東風不合催人去。心事兩朦朧，玉簫春夢中。斜陽芳草隔，滿目傷心碧。不語問青山，青山響杜鵑。

謁金門紅葉

楓葉舞，染出江空天暮。隔岸臙脂新雨墮，小樓腸斷處。疊疊亂紅秋露，又被西風吹去。翠袖拾來看幾度，欲題無一語。

鵲踏枝落葉

慘碧愁黃無氣力，做盡秋聲，砌滿闌干側。疑是紗窗風雨入，斜陽又送棲鴉急。不比落花多愛惜，南北東西，自有人知得。昨夜小樓寒四壁，半堆金井霜華白。

梁清標

字玉立，真定人。有棠村詞二卷。

玉樓春

花飛南陌東風暮，腸斷王孫芳草路。綠槐影裏雨初晴，黃鳥聲中春暗去。亂山疊疊看無數，故國遙遮雲外樹。一年佳景等閒拋，好夢欲尋無覓處。

柳梢青

小雨纔收，平沙細草，綠滿西疇。柳眼青歸，桃腮紅暈，人倚高樓。家家繡幕簾鉤。春不管，斜陽旅愁。羅綺風前，鞦韆影裏，馬上牆頭。

蘇幙遮寒食

杏花烟，榆莢雨，綠映平橋，又見春如許。油壁車
輕寒食路，細草芳樽，邀取春光駐。囀鶯樓，歸
雁浦，柳外梨邊，愁煞長亭暮。天意也知離別苦，
片片輕雲，遮斷人行處。

宋徵璧

初名存楠，字尙木，江南華亭人。

醉花陰

豆蔻梢頭花半吐，闌畔微微雨。一炷水沈香，六曲
銀屏，人在深深處。綠紗窗外春鶯語，密約防鸚

鷓。莫道不消魂，翠幙珠樓，休放相思去。

宋

琬

字玉叔，號亥裳，萊陽人。有二鄉亭詞一卷。

浣溪沙

乍暖猶寒二月天，玉樓長傍博山眠，沉香火冷少人添。
殘雪纔消春鳥暝，畫闌干外草芊綿，幾時青得到郎邊？

攤破浣溪沙

西溪訪陸處士作

三月楊梅正作花，板橋欹側俯晴沙；閒覓柴門無路徑，柳陰遮。
燕子匆忙營故壘，蜂兒辛苦坐官

衙；問著山翁都不識，野人家。

王士祿

字子底，號西樵，山東新城人。有炊聞詞二卷。

浣溪沙

金井風微響轆轤，桐陰漏日曉妝初，薄寒猶怯玉肌膚。
簾幙絮縈雙紫燕，盆池花襯小紅魚，畫長耽閣繡工夫。

周季琬

字禹卿，宜興人，有夢墨軒詞一卷。

雨中花海棠

欄外濕紅嬌欲滴，多因睡足渾無力。看徑草青齊，
池紋綠皺，猶有輕寒逼。最妬朝霞分艷色，任暮
雨，絲絲如織。歸燕啄餘香，留連枝上，去歲曾相
識。

張淵懿

字硯銘，青浦人，有月聽軒詩餘一卷。

南歌子

篆冷香魂去，花輕月影添，夜闌寒色滿重簷。剛是
小鬟低語下珠簾。

搗練子

香乍燼，漏將殘，疎影重重入畫闌。清夜夢回花氣冷，小樓月滿雁聲寒。

漁家傲

東昌道上

野草淒淒經雨碧，遠山一抹晴雲積，午睡覺來愁似織。孤帆直，游絲繞夢飛無力。古渡人家烟水隔，鄉心繚亂垂楊陌，鴻雁自南人自北。風蕭瑟，荻花滿地秋江白。

王士禛

字貽上，號阮亭，山東新城人，有衍波詞一卷。

憶江南

江南好，畫舫聽吳歌。萬樹垂楊青似黛，一灣春水碧於羅，懊惱是橫波。

點絳脣春詞和漱玉韻

水滿春塘，柳綿又蘸黃金縷。燕兒來去，陣陣梨花雨。情似黃絲，歷亂難成緒。凝眸處，白蘋紅樹，不見西洲路。

醉花陰

香閨小院閒清晝，屈戍交銅獸。幾日怯輕寒，簫局香濃，不覺春先透。韶光轉眼梅花後，又催裁羅袖。最怕日初長，生受鶯花，打疊人消瘦。

浣溪紗

出鎮淮門，循小秦淮折而北，陂岸起伏多態，竹木
蒼鬱，清流映帶，人家多因水爲園亭榭，溪塘幽窈
而明瑟，頗盡四時之美。擊小艇循河西北行，林木
盡處，有橋宛然如垂虹。下飲於澗，又如麗人靚妝
袪服流照明鏡中，所謂紅橋也。游人登平山堂，率
至法海寺。捨舟而陸，徑必出紅橋下。橋四面皆人
家荷塘，六七月間菡萏作花，香聞數里。青簾白
舫，絡繹如織，良謂勝游矣。因填小令志之。

北郭清溪一帶流，紅橋風物眼中秋，綠楊城郭是揚
州。西望雷塘何處是？香魂零落使人愁。澹烟芳

草舊迷樓。

董

俞

字若水，江南華亭人，有盟鷗草閣詞三卷。

菩薩蠻

草堂人去烟光夕，藕花殘雨銀塘碧。蝶夢此時幽，
蟬吟一院秋。庭梧飄玉砌，曲磴茶烟細。獨坐數
歸禽，疎鐘度遠林。

山花子

脉脉柔情怯曉風，茜裙雙帶綰芙蓉，僻徑遇人羞背
立，柳陰中。幾度暗顰眉黛綠，一回微笑粉痕

紅。願作翠堤芳草軟，襯鞋弓。

曹貞吉

字升六，安邱人，有珂雪詞二卷。

賣花聲

秋夜

風緊紙窗鳴，秋氣淒清，淡雲籠月未分明。雨點疎如殘夜漏，滴到三更。孤枕夢難成，怕聽聲聲。一天黃葉雁縱橫。搔首自憐霜滿鬢，又喚愁生。

掃花游

春雪用宋人韻

元宵過也，看春色蘼蕪，澹烟平楚。溼雲萬縷，又輕陰作暈，綿飄絮舞。一夜梅花，暗落西牕似雨。飄

搖去，試問逐風歸到何處？
燈事纔幾許，記流水
鈿車，畫橋爭路。蘭房列俎，嘆薜華易擲，髻絲堆
素。擁斷關山，知有離人獨苦。漫凝竚，聽寒城，
數聲譙鼓。

陸

埜

字我謀，平湖人，有曠叢詞一卷。

相見歡

碧桃落盡前溪，杜鵑啼，不喚離人歸也喚春歸。
非干病，不關醉，是思伊，幾度夢中相見又還非。

汪

价

字三儂，嘉定人，有牛舫詞一卷。

踏莎行 初秋

岸柳絲黃，井梧葉冷，蘋花漸老荷花暝。雲天漠漠
做秋陰，斷霞殘照無憑準。風咽蟬聲，雨低螢
影，莎庭露坐人孤另。算來衾枕一般愁，秋宵更比
春宵永。

毛先舒

字稚黃，錢塘人，有平遠樓外集一卷，驚情詞一
卷。

滿江紅 暮春柳

一片殘陽，映幾處，河橋晴色。問當日，征衫別淚，爲誰沾濕。暮雨半梳魂欲斷，綠陰如幄愁無極。減風流，不似門腰支，初相識。章臺路，春狼籍；灞水岸，烟斜織。盼香塵依舊，鈿車金勒。飛絮影隨風上下，離人望斷江南北。怕重來，剩有亂蟬嘶，千條碧。

吳

綺

字園次，江都人，有蕤香詞一卷。

浣溪沙

吳苑青苔鎖畫廊，漢宮垂柳映紅牆，教人愁殺是斜

陽。天上無端催曉暮，人閒何事有興亡？可憐燕子只尋常！

點絳脣春情

幾度鶯啼，垂楊綠了千千縷。玉驄人去，滴盡西窗雨。瘦損菱花，金粉都無緒。相思處，無情雲樹，遮却多情路。

南歌子閨情

銀甲調新火，珠簾捲曉霞，辟寒初着杏紅紗。正是惱人時節，不歸家。鶯坐渾身柳，蜂歸兩股花，一絃春怨語琵琶。昨日鴛鴦買卦，又須差。

佟世南

字梅岑，滿州旗人，有東白堂詞一卷。

望江南 閨情

閒倚檻，螺翠淡眉尖。滿院落花春晝靜，一窗疎雨暮寒添。不病也慳慳！

謁金門 春感

春寂寂，人似曉風無力。露濕殘花飛不得，滿堦紅淚滴。驕馬未回空磧，芳草又生南陌。十二闌干和恨立，日斜山影直。

顧貞觀

字華峯，號梁汾，無錫人。有彈指詞三卷。

柳初新水仙詞下柳

南朝一片傷心雨，摠被垂垂留住。水村山郭，紅橋倚徧，極目亂飄金縷。能有春情幾許？怕重來，撲天飛絮。當日別離無據，知他可憶長亭語。霖鈴唱罷，酒醒殘月，只在踏青歸處，添得倚風凝竚。念天涯，有人羈旅。

眞珠簾

櫻桃宴罷人歸後，正煙籠澹月，疎窗如畫。紅藥闌

邊，當日親攜素手。睡起微聞花歎息，賸一縷，相思誰剖？依舊，對漂香泊粉，幾枝春瘦。別久，心期輕負。爲深憐痛惜，越添倜儻。十載綺羅情，付昨宵殘酒。誰道酒醒都是恨，只剗地，曉風楊柳。知否，古今那一例，斷腸回首？

賀新郎寄吳漢槎寧古塔以詞代書

季子平安否？便歸來，生平萬事，那堪回首！行路悠悠誰慰藉，母老家貧子幼。記不起，從前杯酒。魑魅擇人應見慣，料輸他覆雨翻雲手。冰與雪，周旋久。淚痕莫滴牛衣透，數天涯，依然骨肉，幾

家能穀？比似紅顏多薄命，更不如今還有。只絕塞，苦寒難受。廿載包胥承一諾，盼烏頭馬角終相救。置此札，君懷袖。

又

我亦飄零久，十年來，深恩負盡，死生師友。宿昔齊名非忝竊，試看杜陵消瘦，曾不減夜郎僂僂。薄命長辭知已別，問人生，到此淒涼否？千萬恨，爲兄剖。兄生辛未我丁丑，共些時，冰霜摧折，早衰蒲柳。詞賦從今須少作，留取心魂相守。但願得河清人壽。歸日急翻行戍稿，把空名料理傳身後。

言不盡，觀頓首。

錢芳標

字藻翁，江南華亭人。有湘瑟詞四卷。

轉應曲

楊柳楊柳，影蘸灞橋別酒。平明小雨霏微，那更離
亭絮飛。飛絮，飛絮，人與春光俱去。

納蘭性德

原名成德，字容若，滿洲正白旗人，有飲水詞
三卷。

如夢令

黃葉青苔歸路，屣粉衣香何處？消息竟沉沉，今夜

相思幾許？秋雨，秋雨，一半因風吹去。

采桑子

誰翻樂府淒涼曲，風也蕭蕭，雨也蕭蕭，瘦盡燈花又一宵。不知何事縈懷抱，醒也無聊，醉也無聊，夢也何曾到謝橋？

謁金門

風絲裊，水浸碧天清曉。一鏡濕雲青未了，雨晴春草草。夢裏輕螺誰掃？簾外落花紅小。獨睡起來情悄悄，寄愁何處好？

浣溪沙

蓮漏三聲燭半條，杏花微雨濕輕綃，那將紅豆記無聊。春色已看濃似酒，歸期安得信如潮？離魂入夜倩誰招？

太常引自題小照

晚來風起撼花鈴，人在碧山亭。愁裏不堪聽，那更雞泉聲雨聲。無憑踪跡，無聊心緒，誰說與多情？夢也不分明，又何必催教夢醒。

彭孫遹

字駿孫，號羨門，海鹽人。有延露詞三卷。

憶王孫寒食

梨雲婀娜柳雲斜，閑倚高樓數亂鴉。惆悵王孫天一
涯，不歸家，風雨年年葬落花。

生查子旅夜

薄醉不成眠，轉覺春寒重。鴛枕有誰同，夜夜和愁
共。夢好恰如真，事往翻如夢。起立悄無言，殘
月生西弄。

柳梢青

何事沉吟，小窗斜日，立遍春陰。翠袖天寒，青衫
人老，一樣傷心。十年舊事重尋，回首處，山高
水深。兩點眉峯，半分腰帶，憔悴而今。

綺羅香春盡日有寄

翠遠浮空，紅殘欲滴，簾捲青山無數。舊事難尋，
春色半歸塵土。撲蝶會如夢光陰，
研花箋相思圖譜。怪東風不爲吹愁，
凝眸又見碧雲暮。年來淪落已慣，
任一身長是，飄零吳楚。珠淚緘題，
恨字分明寄與。想南樓柳絮飛時，
是玉人夜來凭處。應望斷，遠水歸帆，
濛濛江上雨。

周清原

字雅楫，武進人。有浣初詞一卷。

臨江仙

小徑平蕪秋水接，殘陽一片蒹葭。拂溪衰柳尙天
斜。晚來人不到，新雁落晴沙。霜雪未濃繒繖
遠，稻梁隨意天涯。夜深和月立蘆花。不隨秋去
燕，羞共暮棲鴉。

尤

侗

字展成，號西堂，長洲人。有百末詞一卷。

卜算子夜憶

秋雨急如箏，彈破江南夢。野外西風葉葉吹，撼起
棲鴉動。夜永惜燈殘，衾薄知寒重。飛盡征鴻莫
寄書，曲冷文君弄。

轉應曲春雨

春雨，春雨，花上淚痕幾許！東風吹到紗窗，日日愁來斷腸。腸斷，腸斷，又續新愁一半！

毛奇齡

初名甞，字大可，蕭山人，有毛翰林集填詞六卷。

憶王孫

東風吹柳覆金堤，夾岸紅樓望去迷，日映游絲捲幔低。畫橋西，一樹嬌花鳥自啼。

徐鉉

字電發，吳江人。有菊莊詞一卷，楓江漁父詞一卷。

鳳棲梧 春草

廉纖絲雨春陰重，嫩草平鋪，低把金鞍鞚。綠遍天涯無半縫，憐伊歲歲和愁種。飛絮落花都不動，斗帳微寒，自做池塘夢。明日踏青誰與共？芳郊怕損鞋頭鳳。

朱彝尊

字錫鬯，號竹垞，秀水人。有江湖載酒集三卷，靜志居琴趣一卷，茶煙澗體物集二卷，蕃錦集一卷。

桂殿秋

思往事，渡江干，青蛾低映越山看。共眠一舸聽秋雨，小簟輕衾各自寒。

霜天曉角 早秋放鶴洲池上作

青桐垂乳，容易凝珠露。一縷金風飄落，添幾點，豆花雨。簾戶翦燈語，草蟲飛不去。坐愛水亭香氣，是藕葉最多處。

憶少年

一鈎斜月，一聲新雁，一庭秋露。黃花初放了，小金鈴無數。燕子已辭秋社去，剩香泥舊時簾戶。重陽將近也，又滿城風雨。

南樓令

垂柳板橋低，嬌鶯著意啼，正門前春水初齊。記取

鴉頭羅韞小，曾送上，窈娘堤。花底惜分攜，苔錢舊徑迷。燕巢空落盡芹泥。惟有天邊眉月在，猶自挂，小樓西。

解珮令 自題詞集

十年磨劍，五陵結客，把平生涕淚都飄盡。老去填詞，一半是空中傳恨。幾曾圍，燕釵蟬鬢？不師秦七，不師黃九，倚新聲玉田差近。落拓江湖，且分付歌筵紅粉，料封侯白頭無分。

瀟瀟雨落葉

秋林紅未足，怪酸風，一片舞遙堤。任高高下下，

蕭蕭撼撼，策策悽悽。岸觜離根壓徧，驚斷草蟲啼。只有蒼涼月，來照鴉棲。却似游蹤不定，謂當南反北，旋又東西。縱吟邊倚杖，樽酒正堪攜。然風鏘故人來否，怕空山舊徑一時迷。颼颼響，悵無眠夜，聽到荒雞。

高陽臺

吳江葉元禮少日過流虹橋，有女子在橋上，見而慕

之，竟至病死。氣方絕，適元禮復過其門，女之母以女臨終之言告葉。葉入哭，女目始瞑。友人爲作傳，余記以詞。

橋影流虹，湖光映雪，翠簾不卷春深。一寸橫波，

斷腸人在樓陰。游絲不繫羊車住，倩何人傳語青禽。最難禁倚徧雕闌，夢徧羅衾。重來已是朝雲散，悵明珠佩冷，紫玉煙沈。前度桃花，依然開滿江潯。鍾情怕到相思路，盼長隄，草盡紅心。動愁吟，碧落黃泉，兩處誰尋？

陳維崧

字其年，宜興人，有迦陵詞三十卷。

金鳳鈞

春夜同展成飲御之齋頭感舊

東風裡，絳桃樹，暮記起年時見汝。紅芳正好，濃香乍飽，俊眼相看如許。如今花放長洲路，只我已

朱顏非故。舊情如夢，閑愁似海，悶搯花鬢細數。

慶春澤春影

已近花朝，未過春社，小樓盡日沉沉。暝色連朝，江南倦客難禁。門前綠水昏如夢，粉雲遮，失却遙岑。恁湔裙不到溪邊，佳約空尋。年時恰是鶯花候，正黃歸柳鶩，紅入桃心。舞扇歌衫，參差十里園林。東風吹織絲絲滿，做半寒半暖光陰。問何時，日上花梢，細弄鳴禽？

琵琶仙閨門夜泊用白石詞韻

暝色官橋，消盡了，帶雨綠帆千葉。驛口夜火微

紅，瓊簫正淒絕。記醉倚，銅街喚馬，更閑凭畫樓聽鳩。無數前情，一番春恨，檣燕能說。只細數，花草吳宮，除夢裏依稀舊時節。欲買韶光暫駐，待來春榆莢。縱尙有，鷓鴣一舸，怕難禁，伍潮堆雪。悔殺麝帕鴛衾，那年輕別。

齊天樂

綠水亭觀荷

分明一幅江南景，恰是鳳城深處。野翠羅羅，嫩晴歷歷，撲到生香萬縷。隔花人語，認雙槩堤邊，采蓮兒女。稻葉菱絲，隔紗長作打窗雨。亭亭波面斜裊，西洲都蓋滿，睡鴨新乳。碧甃迴廊，黃泥小

竈，幾斛冷泉親煮。倚闌凝佇，記罨畫東頭，舊尋詩路。招箇烟檣，飄儂溪畔去。

嚴繩孫

字蓀友，無錫人，有秋水詞一卷。

虞美人

征帆只是悠悠去，去也知何處？淚痕休漬別時衣，彈與烟鴻猶得向南飛。月華幾夕清如洗，料得卿歸矣。暗愁如霧又黃昏，有箇盈盈相並說游人。

風入松

星移帆影月移沙，秋思誰家？別時不敢分明語，盛

春山暗損韶華。又是中秋時候，西風幾陣歸鴉。
相思難遣夢交加，水闊山斜。尊前常恨天涯遠，况
如今真箇天涯。更道重來應未，待伊歸向臆紗。

李良年

字符曾，秀水人，有秋錦山房二卷。

疎影秋柳

旗亭隴首，正新霜乍點，斜日風驟。一片秋聲，幾
樹蕭疎，驚心十里津埃。行人欲折還教住，爲記得
別離時候：灑渭城，朝雨如烟，曾向畫橋分手。何
處無情玉筴，忍教一夜裏，吹墮江日。繫馬無人，

認取寒枝，惟有晚鴉依舊。相思最是鴛鴦渡，應漸冷，碧紗窗牖。縱待得來歲春還，只恐那人腰瘦。

李

符

字分虎，一字耕客，嘉興人，有未邊詞二卷。

疎影帆影

雙橈且住，趁風旌五兩，掛席吹去。側浸紋波，一片橫斜，不礙招來鷗鷺。忽遮紅日江樓暗，只認是，涼雲飛度。待翠蛾，簾底憑看，已過幾重烟浦。搖漾東西不定，乍眠碧草上，旋入高樹。荻渚楓灣，宛轉隨人，消盡斜陽今古。有時淡月依稀

見，總添得客愁淒楚。夢醒來，雨急潮渾，倚榜又無尋處。

釣船笛

萬葉墮寒村，目極水平天遠。欹坐船頭相對，欠青山在眼。
瓶山草沒甌山低，行到半山半。恰被梅花留住，一篷兒香片。

又

曾去釣江湖，腥浪黏天無際。淺岸平沙自好，算無如鄉里。
從今只住鴨兒邊，遠或泛茗水。三十六陂秋到，宿萬荷花裏。

沈暉日

字融谷，平湖人，有柘西精舍集一卷。

南浦春水用玉田韻同衛國賦

新雨漲汀沙，倚蘭橈，正值江亭初曉。隄墜亂桃紅，紅橋下，斜映花陰如掃。波紋沁碧，一雙燕子凌波小，乍罨晴絲還又轉，却誤銜來萍草。漫從南浦催歸，是閒情，客裏春游未了。雙槳載笙歌，鴛鴦起，何處畫船吹到？曲終渺渺，前溪漸覺鴛聲悄。寒食今番過也，報道湔裙人少。

百字令 喜孝山來金陵

水西門外，兩重門，一舸吹來南浦。莫是傷春憔悴甚，瘦損腰圍如許。我亦吟邊，杜鵑聽罷，惱亂還鄉路。江樓酒醒，背花人自無語。桃葉漸見燈船，紅簾柳外，月下催簫鼓。不遣閒愁眉黛蹙，且共鷓鴣留住。水幕山牕，載琴載酒，正好開懷處。題詩殘照，秦淮多少烟樹。

李

璿

字東來，錢塘人。

虞美人

小亭陣陣飄香雨，百舌銜花語。玉樓人杳暮烟橫，

惟見滿堤芳草共愁生。杜鵑只管催春去，不道人
離苦。個儂輕薄似楊花，只是隨他流水遶天涯。

吳儀一

字臻符，一字舒晷，錢塘人，有吳山草堂詞十七卷。

清平樂

畫屏烟霧，彷彿咸陽路。渭水無聲流月去，照見漢
家陵樹。蕭條孤客情懷，酒酣獨上荒臺。三月楊
花似雪，滿城羌笛吹來。

沈岸登

字羣九，一字南亭，平湖人，有黑蝶齋詞一卷。

浣溪沙

自在珠簾不上鉤，篆煙微潤偏香篝，薄羅衫子疊春愁。
乳燕寒深渾不語，落花風定也難收，謾娘且莫倚西樓。

永遇樂

揚州除夕和竹坡韻

何事飄零，天涯除夕，幾度羈旅。今夜邗江，去年燕市，客淚雙垂縷。銀燈初卸，金壺頻咽，不寐更籌閒數。更誰聽，揚州歌吹，撥火寒爐無語。淒涼東閣，官梅初發，對酒看人兒女。三十年來，鏡中綠鬢，都被儒冠誤。清溪白屋，團圓兄弟，夢裏

孟鄰藏書

分明曾去。正相思，關山南北，夜闌疎雨。

徐允哲

字西厓，上海人，有響泉詞一卷。

醉花陰

峭寒吹雨和風驟，花落苔成繡。把酒對芳園，枝上鶯聲，啼過清明候。惜春無計當春晝，梅子青如豆。記得去年時，簾幙重重，有個人消瘦。

李

珍

字待庵，高密人，有金簪詞二卷。

少年游

一隄疎柳罨斜陽，濃綠與輕黃。幾點遙山，半篙綠水，歸雁兩三行。人家烟火出紅牆，邨市晚相將。野寺僧鐘，孤舟漁笛，風送過橫塘。

龔翔麟

字天石，號蘅圃，仁和人，有紅蕪莊詞三卷。

好事近

沂水道中

極目總悲秋，衰草似粘天末。多少無情烟樹，送年年行客。亂山高下沒斜陽，夜景更清絕。幾點寒鴉風裏，趁一梳涼月。

紅娘子

緋桃

千葉繁花映，幾箇疎篁靜。不傍妝樓，不臨書幌，只依苔經。似舊家姊妹隔江來，恰雙雙相並。慣似殘霞凝，未怯春風冷。纔踏流鶯，又飛山鷓，一枝難定。試移根，曲水小橋邊，伴湔衣人影。

好事近

倣朱希真漁父詞題胥山樵畫

久雨霎兒晴，報道前溪新漲。急整翠竿放溜，儘一絲風颺。暫拋筇箸黑甜餘，短笛有時唱。且醉船頭白墮，早冷丸飛上。

王允持

字簡在，無錫人，有陶軒詞。

解連環

亂帆零雨，對清尊湫澹，緩歌金縷。便醉裏暫解離
愁，奈燈暗酒醒，兩眉還聚。寂寞芙蓉，但回首露
汀烟渚。聽琵琶水面，宛轉玉人，枕畔私語。無
端頓成間阻，望關河浩渺，有恨誰訴。縱解寄千里
相思，怕回雁峯頭，峭難飛度。天末羈魂，夢不到
綠窗朱戶。倩西風一時吹轉，暮雲斷處。

鎖隄寒僧 夜雨

雨細吹絲，風輕響葉，夜寒如此。圍香小閣，消受
鳳衾鴛被。恁雨，禪榻夢回，鬢絲微颺茶烟裏。

奈一繩鴈影，斜飛點點，又成心字。彈指，殘秋
意。算瘦柳藏鴉，也飄空翠。多情老去，况客繁華
勝地。問五湖，恁日移家，水雲掛席應早計。待歸
來，底事歸遲，酒醒重門閉。

孫致彌

字愷似，號松坪，嘉定人，有別花餘事一卷，梅泚
詞四卷，納琴詞一卷。

青玉案泛舟橫塘作用賀方回韻

十年不踏行春路，重載酒尋山去。曲曲疎林帆影
度，鷗邊寒水，鴈邊斜照，多少關情處。生烟一
抹鱸鄉暮，紅葉休題怨秋句。青翦綠叢心久許，終

須買箇，楸頭船子，醉聽雙橋雨。

虞美人

青旛半捲花枝動，蝶翅酣香重。曲闌紅映綠波中，
又是一聲鶯囀落花風。海棠午倦眠初足，扶起眉
峯蹙。水晶簾下儘思量，獨自倚樓和夢送斜陽。

狄

億

字立人，溧陽人。

南柯子

暝日嬌晴柳，輕風戀落花，搖颺酒帘斜。孤邨流水
遠，有人家。

憶王孫秋怨

秋風一夜滿天涯，幾樹丹楓葉作花。漫倚高樓對落霞。不歸家，又見橫空鴈影斜。

點絳脣晚次蒹溪

柳岸誰家，窗前曲曲清溪抱。漏深人悄，逗得燈光小。擬泛輕舟，咫尺山陰道。青春老，杜鵑啼了，客夢隨芳草。

菩薩蠻露筋祠

平湖渺渺烟波路，傷心幾簇窮秋樹。風雨冷荒祠，鴉巢烏柏枝。蒼茫天接水，浪捲斜陽裏。蕭颯不

勝情，孤鴻三兩聲。

焦袁熹

字廣期，金山人，有此木軒直寄詞二卷。

杏花天

細風吹到眉山畔，悄妝閣，紅簾日晚。流鸞曲裏飛英亂，一寸柔腸易斷。花驄過，聽來幾遍。想年少春愁未慣。攔干十二烟絲軟，夢逐楊花更遠。

魏

坤

字禹平，嘉善人，有水村琴趣四卷。

十六字令

眠，一枕花香篆影圓；微風入，吹夢到鶯邊。

南鄉子

潞河送別

鬢影西風，吹上蒲帆六幅中。烟外沙村雲外樹，今夜雨，水驛燈昏聽鴈語。

茁

驥字千里，宜與人。

小重山

古寺寒林綴晚鴉，南溪排雁陣，下平沙。牛羊歸去夕陽斜，漁歌緩，短棹沒蘆花。沽酒到西家，朔風初作雪，暈微霞。忽聞商女撥琵琶。含情望，江

上暮雲遮。

周禹吉

字敦文，錢塘人，有青蘿詞一卷。

搗練子

青雀舫，錦雲帆，小泊河橋酒半酣。人在煙波雲水外，杏花風雨濕春衫。

李伍漢

字半谷，臨川人，有李半谷先生詩集一卷，詞附。

虞美人集調名

離亭燕別梅花落，霜天聞曉角。謝池春好意難忘，

遮莫長拋多麗醉紅妝。
鶯啼似把衷情訴，聲聲芳草渡。
愁心遙寄渡江雲，長是最高樓上憶王孫。

金長輿

字虎文，仁和人。

點絳脣 春暮

一抹輕煙，春雲黯澹連平楚。
斷山零浦，盡是愁來路。
展轉思量，沒箇安排處。
天涯暮，落花無主，幾點黃昏雨。

周

珂

字越石，嘉善人。

望江南江行

江聲咽，暝色走寒沙。水底青天銜落日，天邊綠樹掛殘霞，隔浦一帆斜。西風老，飄泊在天涯。數點啼鳥驚落葉，扁舟明月載蘆花，今夜宿誰家？

屠文漪

字漣水，雲縣人，有詩餘草二卷。

虞美人

新寒惹砌鳴蛩亂，夜夜人愁慣。露輕風細雁來初，向寄萬千情字一緘書。花紅暈燭銀屏背，寂寂紗窗閉。澹烟沉水在香篝，掩帳待誰和月望清秋。

倪

濂

字公介，仁和人，有無園集一卷，詞附。

青玉案風澄江女子桃花燕子畫扇

天涯極目長干路，綠徧多情芳草渡。樓外斜陽空日暮。幾回羞見，香酣翠軟，瘦影聯翩處。花深夢遠無憑據，一任春來愁裏住。畫得斷腸腸斷句。脂嬌粉膩，臉痕眉暈，點滴成紅雨。

沙張白

字介臣，江陰人。

好事近聞笛

喚起百千愁，樓外數聲長笛。一闋關山古調，落三更殘月。參橫猶自不成眠，餘響聽嗚咽。片片梅花飛絮，點髻毛成雪。

華宗鈺

字荆山，江南華亭人，有尋雲遺草。

誤佳期

竹箭水寒聲咽，燈影半牕明滅。夢魂無那繞芳叢，栩栩輕于蝶。鸞帳玉參差，鴉髻金重疊。空亭一夜悄東風，吹淡梨花月。

杜 詔

字紫綸，號雲川，無錫人，有滄花詞一卷，鳳髓詞三卷，蓉湖漁笛譜一卷。

西江月

人靜擁爐時節，夜闌翦燭房櫺。枕邊花落膩殘紅，
欹側釵頭小鳳。睡裏旋銷酒暈，醒餘還似春慵。
鈴聲不耐五更風，並起秋衾說夢。

夜行船次倚平韻

趁月且從南浦去，算今宵，泊舟何處。隔水呼燈，
凭闌喚酒，好共淺眠深語。回首十年前舊侶，笑
風流那時張緒。剩有秋心，翻憐客夢，忍聽垂虹風

雨。

查爲仁

字心穀，號蓮坡，宛平人，有押廉詞一卷。

柳梢青春雨

做弄輕寒，絲絲如織，簾捲愁看。染柳多情，吹桃有意，都在闌干。謾將離思頻牽，且小戀，重衾夢添。中酒幽牕，賣花深巷，翻笑春閒。

徐逢吉

字紫山，自號青裴老漁，錢塘人，有柳洲清響，搖

鞭集，微笑果各一卷。

霓裳中序第一 旅舍送春

纔看過寒食，滿眼溪山又堆碧，聽取乳鶯聲澀。把故國風光，年年拋擲，朱顏可惜。攬琉璃芳香怎留得？傷心似，明妃遠嫁，紅袖偷淚滴。飄泊，吳南燕北，水雲寬，總沒消息。何人憐我岑寂？小院秋千，高樓吹笛。離魂悄難覓。東風緊，孤帆落日。蒼茫裏，五湖烟浪，着此送春客。

樓

儼

字敬思，號西浦，義烏人，有蓑笠軒詞四卷。

夜行船

薄霧朦朧雙槳去，趁星光，莫教天曙。幾點漁舟，

一叢霜荻，燈火微茫何處。記得小樓曾借住，倚
熏籠夜深頻語。夢不分明，景還依約，腸斷天涯
羈旅。

厲

鶚

字太鴻，錢塘人，有樂榭山房詞二卷，又續集二
卷。

清平樂

香游士女圖

膠鬢新拭，正是停針日。小扇撲餘無氣力，風裏楊
花吹急。銷凝石畔兜鞵，不知偎暖蒼苔。欲就濃
香一夢，翩翩胡蝶飛來。

眼兒媚

一寸橫波惹春留，何止最宜秋。妝殘粉薄，矜嚴消盡，只有溫柔。當時底事忽忽去，悔不載扁舟。分明記得，吹花小徑，聽雨高樓。

百字令丁酉清明

春光老去，恨年年，心事春能拘管。永日空園雙燕語，折盡柳條長短。白眼看天，青袍似草，最覺當歌嬾。惜惜門巷，落花早又吹滿。凝想烟月當時，錫簫舊市，慣逐嬉春伴。一自笑桃人去後，幾葉碧雲深淺。亂擲榆錢，細垂桐乳，尙惹游絲轉。望中何處？那堪天遠山遠！

揚州慢廣陵芍藥

疎雨催妍，穉寒凝態，天涯相見魂銷。問春歸幾日，未盡減春韶。算亭北，新妝老去，不多風露，暗展輕綃。送杯中婪尾，香心欲話無聊。鴉黃初試，記當年，曾識烟苗。奈月幌低籠，雲堦斜倚，夢到迢迢。除却謝郎俊句，無人與淺暈深描。想難禁攜贈，離情都在紅橋。

憶舊游

辛丑九月既望，風日清霽，喚艇自西堰橋沿秦亭法

華澗洄以達於河渚。時秋蘆作花，遠近縹日，回望

諸峯，蒼然如出晴雪之上，庵以秋雪名，不虛也。

乃假僧榻，偃仰終日，唯聞櫛聲掠波往來，使人絕
去世俗營競所在。向晚宿四溪田舍，以長短句紀
之。

迥溪流雲去，樹約風來，山翦秋眉。一片尋秋意，
是涼花載雪，人在蘆漪。楚天舊愁多少，飄作鬢邊
絲。正浦溆蒼茫，閑隨野色，行到禪扉。忘機，
悄無語，坐雁底焚香，葦外絃詩。又送蕭蕭響，盡
平沙霜信，吹上僧衣。憑高一聲彈指，天地入斜
暉。已隔斷塵喧，門前弄月漁艇歸。

齊天樂

秋聲館賦秋聲

簾淒燈暗眠還起，清商幾處催發。碎竹虛廊，枯蓮淺渚，不辨聲來何葉。桐飈又接，盡吹入潘郎，一簪愁髮。已是難聽，中宵無用怨離別。陰蟲還更切切，玉窗挑錦倦，驚響簷鐵。漏斷高城，鐘疎野寺，遙送涼潮鳴咽。微吟漸怯，訝籬豆花閒，雨篩時節。獨自開門，滿庭都是月。

顧衡文

字倚平，無錫人，有清琴詞一卷。

夜行船

飽挂輕帆衝霧去，月初斜，未分明處。漁市燈紅，

雁汀蘆白，隔岸微茫人語。自是扁舟鮭菜侶，甚
勾回，十年情緒。繡被眠香，深杯殢酒，眞箇畫船
聽雨。

陸

培

字翼風，號南籜，平湖人，有白蕉詞四卷。

眞珠簾白燕

阿誰軟語紋窗畔，依稀認，束素差池輕翦。社日偶
相逢，比釵頭嬌顫。莫似尋常烏巷客，漫撇了，舊
家亭館。春晚，怕凌波貼地，絮飛交亂。可要文
杏雙棲，喚柔奴挽上，翠簾銀蒜。暮趁鷺鸞肩，看

蓼灘雪濺。一樹梨花開正白，好寫入，鵝溪東絹。
難辨。約蹁躑歸候，月華如練。

張奕樞

字今培，平湖人，有紅螺詞一卷。

鳳棲梧

淅淅秋聲天欲暝，自起推篷，放出烟中艇。鷓鴣避
人來去並，蓼花紅浸池塘影。新雁一繩波萬頃，
柏紫楓丹，昨夜霜華冷。蟹舍漁鄉潮信準，夕陽人
在橋西等。

綺羅香送陸舍人歷才倅梧州卽次都門送別韻

雪壓梅汀，烟橫柳岸，第一番風寒猛。又是分離，鷗夢不會吹醒。斜挂起五兩輕帆，閒領略半篙清影。算花時恰好黃陵，亂撥昏雨艤烟艇。天涯離索易感，從此蠻鄉冷驛，夕陽鞭影。路指龍江，紅豆綠榕交映。便君家載石舟輕，也勝以閒吟薇省。只江鄉，落魄堪憐，暮雲天外冷。

王時翹

字抱翼，號小山，太倉人，有香齋集一卷，紺寒集一卷，青綃樂加一卷，初編綺語旗亭夢囈一卷。

踏莎行

嫩嫩煙絲，輕輕風絮，絳旗斜颭秋千處。花枝照得

畫樓空，薄情燕子和人去。冷落闌干，淒清院宇，夕陽西下明殘雨。一雙紅豆寄相思，遠帆點點春江路。

臨江仙

一段旅情無處著，閒眠中酒平分。燕歸窗黑又黃昏。燈微屏背影，暗淚枕留痕。夢入怨花傷柳地，分明有個人人。壓簾香氣倚輕裙。小園春雨過，扶病問殘春。

王 慊

字存業，太倉人，有林屋詩餘二卷。

清平樂

雨濛烟暝，又是清明近。零落杏花渾欲盡，時節綠窗人困。含情獨上西樓，珠簾半捲銀鉤。縱有千絲楊柳，能藏幾許春愁？

山花子

簾影參差花影橫，畫欄春月照吹笙。雙袖倚寒人欲睡，已更深。隔院曉鶯呼淺夢，透窗初旭澹殘燈。一縷暗情何處著，綵雲輕。

毛

健

字令培，太倉人，有臥菴樂府一卷。

菩薩蠻

流蘇百結參差影，繡羅輕軟鴛鴦枕。斜月小屏風，
玉人殘夢中。起來無意緒，記得銷魂處。窗外子
規啼，梨花飄滿衣。

更漏子

不成眠，還似醉，做就許多憔悴。金鴨冷，玉蟾
明，空階落葉聲。雲母扇，芙蓉面，只隔秋雲一
片。愁未了，夢偏稀，曉鴉門外啼。

摸魚兒

問飄飏亂垂素髮，何如此日情緒？相思沉困鬢灰

冷，風味斷煙殘雨。秋幾許？在冷翠幽窗寂寞無人處。淒涼院宇，算只有寒蛩依依相伴，聽我夢中語。銷魂句，寄在梧桐老樹，聲聲都是酸楚。夜長漏點遲還急，更也毫無憑據。天乍曙，再啓戶挑燈，悄下閒堦去。不堪凝竚，正碧落蒼寒，月沉星動，風冷滿身露。

王

輅

字素威，太倉人，有滄虛詞二卷。

虞美人

聞說碧桃開滿院，強作尋芳伴。畫橋西畔弄秋千，

幾葉繡裙飄碎綠楊烟。秦樓記有蕭郎約，春色輕
拋却。香鬟不整鞦韆金釵，知向亂花深處悄歸來。

王策

字漢舒，太倉人，有香雪詞鈔二卷。

十六字令

愁，草際淒淒訴不休。良夜永，織就一庭秋。

玉連環影雨

絲雨日日愁千縷，濕盡闌紅，又濕籠鸚羽。翠簾
斜，繡床遮，香膩輕綃，人懶似楊花。

天仙子曉發尚湖

遠樹驚鳥飛不定，烟中漸吐青山影。犬聲荒店未開門，西風緊，霜華凝，半湖殘月蘆花冷。

虞美人

消他幾句愁邊稿，斷送詩人了。柳陰青粉謝家墻，依舊落花小院夕陽黃。女墳湖畔東風碎，誰送楓根紙。年年杜宇向黃昏，細雨梨花灑血哭殘春。

吳焯

字尺堯，號繡谷，錢塘人，有玲瓏簾詞一卷。

惜分飛

黃鳥陰陰交接語，一帶斜塘烟樹。正是消魂處，梨

花雪盡楊花絮。留得春爲花事主，春又風風雨雨。花也難留住，空闈題偏傷心句。

鄭

燮

字柔克，興化人，有板橋詞一卷。

唐多令寄懷劉道士并示酒家徐郎

一抹晚天霞，微紅透碧紗，顛西風涼葉些些。正是客愁愁不穩，楊柳外，又驚鴉。桃李別君家，霜淒菊已花。數歸期雪滿天涯。分付河橋多釀酒，須留待，故人賒。

馬曰璐

字佩兮，祁門人，有南齋詞二卷。

謁金門

孤村遠，流水小橋秋晚。木葉無多霜欲染，昏鴉飛
數點。想見野情蕭散，獨立斜陽數遍。待得寒風
翻雪片，柴門依舊掩。

陳

章

字授衣，錢塘人，有竹香詞二卷。

點絳脣

宛轉橋

笑問朱橋，如何也似愁腸轉。翠波應怨，照影驚鴻

遠。澹月輕陰，做出林塘晚。無人管，峭風凌亂，吹得楊花滿。

謁金門 晚樹歸鴉

天欲暮，流水板橋村塢。背閃殘陽來又去，斷雲遮不住。幾杵山鐘歸路，倚杖柴門閑數。一霎無聲投那處，隔溪黃葉樹。

王太岳

字基平，號芥子，定興人，有青虛山房集六卷，詞附。

憶秦娥

愁如織，長廊一望青蕪色。青蕪色，一春風雨，更

無朝夕。兒家舊住紅樓北，玳梁海燕曾相識。曾相識，也應難認，向來傾國。

又

人如削，殘魂剩影難安著。難安著，亂鴉聲裏，暮雲樓閣。閒處思量忙處錯，西園枉記春前約。春前約，而今已是，桂花零落。

鄭廷暘

字于谷，長洲人，有蘭笑詞一卷。

謁金門 雨夜懷江蘇

津口樹，欲繫君舟難住。吟遍曉風殘月句，挂帆烟

水暮。幾日浮雲纔聚，無奈離羣還去。杜若洲邊
秋幾許，短篷今夜雨。

韓

騏

字其武，吳縣人，有補瓢詞稿一卷。

玉燭新秦淮水樹

舊秦淮一水，繞畫閣珠簾，綠楊影裏。分箋度曲，
共名流，無數冶紅妖翠，春風如醉。更不料，江干
塵起，銷歇了，禁籞烟花，仍傷狹邪羅綺。渡名
桃葉依然，問誰似當年，玉溫香膩。板橋凝睇，秋
空映，斷鷺殘霞無際。萍踪聊寄，歎只有，琴尊知

已。照窗檯，漁火星星，夜寒休睡。

江炳炎

字研南，錢唐人，有琢春詞一卷。

買陂塘

記年時，湖干信宿，隔窗夜雨聲驟。曉來淥漲平波闊，鏡裏千絲春透。沙渡口，有淺淺漁舸，低傍晴楊柳。吳娃短袖，把蘭槳輕分，蘋花細撥，采摘小垂手。江鄉好，說甚燒菘剪韭，香羹堪佐杯酒。蕭然十載羈棲客，邨爲吟詩銷瘦。從此後，拚忘却名心，去伴西溪叟。秋風依舊，縱不比鱸魚，屢縈

歸夢，烟際幾回首。

齊天樂蟬

者番恰又秋來矣，因秋頓添懷抱。寂歷林園，蕭瑟池榭，吟得梧桐俱老。參差樹杪，是乍咽還悲，一絲猶嫋。天淡雲閑，數聲流韻在殘照。西窗夢回尙倦，聽哀音又起，風裏催曉。吸露逾清，裁紗較薄，消受幽悽多少。荆扉靜悄，滿落葉瀟瀟，未荒庭草。雨後空山，晚涼嘶更好。

買陂塘 余於乾隆丙辰三月，自杭徙居潭州，丁巳九月貧

屋，資竭復移歸故里，臨別依依，題詞屋壁。

遠茅檐，接天烟浪，啓窗遙對北固。貪閒妻子都成
僻，到此同聽風雨。饒別趣，慣掩却雙扉，插棘圍
園圃，琴樽韻古。祇略整筠廊，斜添草閣，安頓小
兒女。萍蓬蹟，昨歲方占寧宇，如今仍作飛絮。
卽看雞犬渾無着，更傍誰家門戶。堪恨處，是手種
梅花，未見寒香吐。空梁燕語，道一度逢春，一番
秋老，寂寞自來去。

江

昱

字賓谷，號松泉，儀徵人，有梅鶴詞四卷。

清平樂 題板橋雜記

才人老去，寂寞修花譜。長板橋邊桃葉渡，細說舊游佳處。尊前往事誰彈？雪窗自剪燈看。他日秦淮夜泊，蟪蛄明月勾闌。

又題畫

綠楊未絮，暮靄和烟雨。人靜潮生村景暮，隱隱桃花成塢。迷離斷港荒塍，不知誰寫溪藤。彷彿江南夜泊，舵樓風颭春燈。

高陽臺西園感舊

花雨平橋，楊絲罨戶，風光重到驚心。緩緩香車，歸時長認芳林。幾番同醉櫻桃樹，更幾番同聽淸

音。最關情，小字題名，綠玉痕深。如今早是前歡遠，甚梨花未落，滿院秋陰？欄檻依然，芳蹤何處追尋？槐根仙夢空拋却，讓雙棲碧翥文禽。黯銷沉，弔盡斜陽，暝色愔愔。

張四科

字喆士，號漁川，臨潼人，有響山詞四卷。

醜奴兒令春日淳川招往湖上不赴

玉梅花下晴光嫩，散了茶煙，閑了冰弦，好箇傷春病酒天。提壺幽鳥空相喚，夢繞湖邊，愁到尊前，自愛斜陽枕手眠。

南歌子 早飲寫懷

新漲平池面，涼花罨竹梢，一庭秋色漸相撩。倚徧水雲牕戶，自無聊。膝上將雛曲，燈前獨酌謠。晚風吹雨又蕭蕭。猶幸書欄杆外，少芭蕉。

踏青游 眞州城南春遊

燕子來時，天氣近清明了。喚扶醉，提壺嬌鳥。剔雲根，掃僧塔，傷心煙草。解伴我，江頭意行忘遠，只有數峯青峭。憩倦林亭，交枝露紅春鬧。挽風柳，壁塵難掃。算青鞵，江上路，一番番老。况酒渴難消，暗思前度，辜負小桃花笑。

江 昉

字旭東，號橙里，又號硯農，歙縣人，有練溪漁唱三卷，集中白雲詞一卷。

柳梢青

風約簾衣，嫩寒生悄，愁鎖眉低。何處閒尋，春懷如夢，誤了鑑期。冷烟芳草淒迷，殘照裏，鶯聲亂啼。最是銷魂，綠陽隄畔，紅板橋西。

醉花陰 藝花

搖曳汀沙霜落候，開遍烟江口。翦碎碧天霞，幾簇紅疎，鷗外斜陽漏。低窺鏡裏波痕縐，冷浸燕支透。獨客暗銷凝，葉葉西風，點點秋容瘦。

木蘭花慢 秋帆和馮丈樊榭

近蒹葭野岸，展十幅，挂檣竿。慣遙障隄痕，低遮
鷺浴，高拂雲寒。爭先，驚飛雁底，帶蕭蕭落葉下
江干。惆悵登樓望眼，幾番張盡涼天。悠然，波
靜遠如閒，宛轉度楓灣。指一片斜陽，參差影裏，
回首鄉關。空懸，離愁渺渺，任西風，送客自年
年。畫出瀟湘數點，依稀沒入蒼烟。

史承謙

字位存，宜興人，有小眠齋詞四卷。

留春令

薄羅初試，深杯交勸，橫波分付。十二金堂小闌干，偏沒箇，留儂處。燈前又是分攜去，定有愁千縷。說與今年小樓中，第一夜，聽春雨。

任曾貽

字淡存，荆溪人，有幹秋閣詞一卷。

西子粧

紫燕初飛，朱櫻乍熟，小院濃陰深護。飛來點點是楊花，趁天斜，拂簾穿戶。從風漫舞，知蹤跡，飄零何許？記春前，道不堪攀折，別來無據。長亭路，九十韶光，幕地又將暮。相思一點在誰家，嘆

匆匆，欲留難住。劉郎秀句吟未了，紅牙重譜。最
關情，一夜鬢洲細雨。

朱芳靄

字吉人，號春橋，桐鄉人，有小長蘆漁唱四卷。

釣船笛

雪浪打成根，一片蘆花搖白。天意欲留人住，領濤
聲月色。江南昨夜繫孤篷，今夜又江北。應惹沙
頭宿鷺，笑飄零蹤跡。

吳

煨

字荷叔，全椒人，有杉亭詞四卷。

釣船笛漁父

霜月落孤篷，人在蘆花深處。風細水紋吹皺，飛半江殘絮。晚潮初上響船頭，蕩入蓼汀去。菰飴夜來炊罷，伴一灘鷗鷺。

王鳴盛

字鳳階，號西社，嘉定人，有謝橋詞二卷。

漁家傲

淺夢輕寒添酒病，曹騰怕問梨花信。走近玉臺肩却並，窺明鏡，相憐愁對春風影。愛看月華彫檻凭，丁寧薄薄衫兒冷。小膽不宜耽寂靜，燈將燼，

側身單枕和衣等。

過春山

字藻中，吳縣人，有湘雲遺稿二卷。

踏莎行

游秦園

寂寂簾櫳，深深院宇，碧桃花下聞人語。閒情尋遍
小闌干，東風猶裊餘香縷。酒外啼鶯，鬢邊飛
絮，夕陽山色愁如許。游絲不解繫春留，爲誰偏逐
香車去？

月下笛

春游武林寄別諸子

野館寒輕，春衫瘦減，倦聞鶉語。斜陽外，無限離

愁亂飛絮。尋芳尙記西園路，問燕子，春還幾許？
正津亭潮滿，蒼烟一碧，峭孤帆去。回顧，蘋
花渡，嘆送盡流紅，舊情難訴。漁村蟹舍，伴人惟
是鷗鷺。一舸長日依烟水，那更識，飄零小杜。漫
竚立，數歸心，腸斷孤山細雨。

朱

昂

字適庭，號秋潭，休寧人，有綠陰槐夏閣詞一卷。

明月棹孤舟澱湖夜泊

蔓草荒汀帆影直，望不到五茸城北。山驛橫雲，津
亭臥柳，遙映水天同色。小繫烏篷沙岸側，奈此

夜酒酣狂客。蛙吹愁暄，漁燈夢冷，飛月一丸孤白。

蔣士銓

字心餘，鉛山人，有銅絃詞二卷。

城頭月中秋雨夜書家信後

他鄉見月猶淒楚，天氣偏如許。一院蟲音，一聲更鼓，一陣黃昏雨。孤鐙照影無人語，默把中秋數。荏苒華年，更番離別，九載天涯度。

吳泰來

字企晉，號竹嶼，長洲人，有蠶閣香琴趣二卷。

卜算子

蕙帳裊殘烟，寶篆消寒霧。小小闌干曲曲屏，人在深深處。夢斷楚樓雲，恨比秦箏柱。窗外芭蕉不忍聽，更著風和雨。

趙文哲

字慎之，號璞函，上海人，有癖雅堂詞四卷。

河傳

送客南陌，千絲殘柳，一絲涼笛。東風日暮雨瀟瀟，魂銷，人歸紅板橋。梨花小院深深閉，闌杆倚，離恨倩誰寄？酒初醒，夢將成，愁聽紗窗啼曉鶯。

酷相思 吳淞雨發

草草一尊臨欲去，頻執手，渾無語。看幾陣東風催
日暮，酒醒也人何處？夢醒也人何處？短棹寥寥
搗畫鼓，咫尺天涯路。但一種淒涼須記取：小樓也
瀟瀟雨，小舟也瀟瀟雨。

祝英台近

井桐陰，牆杏外，小犬臥花影。那角單扉，別有竊
香徑。尋來鳳眼窗心，蝦鬚簾額，笑一捻露莢尖
冷。夜初靜，留取如豆銀釭，細照晚妝靚。犀蝶
雙雙，偷解意偏肯。通宵軟語吹蘭，雲情水盼，拚

種了菖蒲相等。

諸廷槐

字殿掄，嘉定人，有蝶庵詞一卷。

踏莎行

淡日陰陰，輕寒翦翦，芳郊草色和烟遠。澀苔侵徧
舊迴廊，鸚籠玉鎖都停喚。垂柳闌干，無人庭
院，倚簾吹弄楊花轉。海棠枝上欲黃昏，濛濛細雨
雙歸燕。

林蕃鍾

字毓奇，號蠡棧，吳縣人。有蘭葉詞一卷。

鬲溪梅令吳淞舟中記所見

蓀橈載酒下吳淞，水溶溶。昨夜春寒，吹出綠楊風，畫橋烟雨中。翩翩珠袖倚房櫳，似驚鴻。斷續疎香，只在玉樓東，隔花簾影重。

清平樂

翠禽飛盡，烟入疎簾暝。曲曲屏山閑小景，望裏江南遠近。殘花飄落金樽，樓頭暮雨黃昏。一片綠陰芳草，春歸如夢無痕。

沈起鳳

字桐威，號蓉漁，吳縣人，有吹雪詞一卷。

玉蝴蝶攬秀亭錄別

涼意乍歸庭樹，西風葉底，說與哀蟬。野色閒門，斜陽却照離筵。楚天遙，亂雲如夢；謝池曉，秋草如烟。想依然，酒邊風月，笛裏山川。堪憐，幽花謝也，又看黃葉，起舞樽前。江冷丹楓，勸君且駐木蘭船。青衫雨，今朝別淚，紅橋月，後夜閑眠。怕無端，愁縈錦瑟，損盡華年。

蔣元龍

字乾九，秀水人，有桃花亭詞一卷。

憶江南敬堂舊有樓冷一燈紅句，訖未成詩。予心賞有年，

四補成是闕，使敬堂見之，當不笑爲黃九慣竊也。
深院靜，簾外雨濛濛。夢到江城人悄悄，酸雞啼斷
五更風，樓冷一燈紅。

汪 照

原名景龍，字綉青，嘉定人；有碧雲詞一卷。

留春令

柳花飄絮，桃花零雨，梨花鋪靄。纔向樽前望花
開，又落盡青苔院。可惜春光人未占，付嬌鶯婉
燕。算縱有明年再開時，怎挽得今年轉？

黃景仁

字仲則，武進人，有竹眠詞二卷。

點絳脣春宵

宿酒初醒，閒情似水和腸軟。細雨三更，簾外春陰捲。一樹梅花，落向閒庭院，無人管。冷風過處，點點春愁糝。

又

瘦骨無情，年年此際懨懨病。小立風前，討箇傷春信。淡月微雲，作出春宵景。斜還整，斷無人處，卍字闌干影。

醉花陰 春困

錦幕輕風吹又動，放去惺惺夢。生怕捲珠簾，尺五春陰，壓得眉尖重。滿院姊歸花外暝，惻惻寒飈送。昨日上高樓，南北東西，芳草何曾空。

蘇幕遮

雪初晴，簾正捲，未試春燈，先把春衣澣。第一番風須放軟，怯怯春魂，萬一驚他轉。飲厭厭，歌緩緩，驀地思量，春近家鄉遠。細粟柳芽枝上滿，待爾春深，把我離愁縮。

吳蔚光

字愜甫，號竹橋，昭文人，有小湖田樂府十卷。

鵲橋仙

杏花開過，桃花開過，將近棟花開矣。分明二十四
番風，把無數暗愁吹起。綵毫慵擲，珠簾懶捲，
惟有小闌干泥。黃昏時節最傷春，看滿地月華如
水。

沈清瑞

字芷生，長洲人，有沈氏羣峯集詞一卷。

玉樓春

春城一帶垂楊暝，淡日輕雲晴不定。杏花風細雨絲絲，隔水人家寒食近。歸來燕燕傳芳訊，斗帳熏爐銀葉潤。今年春事去年心，飛絮多情上簾影。

清平樂

鴛鴦眠盡，湖水如圓鏡。笑入荷花風不定，畫槳劃開萍影。短簫吹過紅橋，柳陰陰處烟高。歸去輕衫半濕，橫塘暮雨瀟瀟。

又

篆烟飛盡，香減春衫褪。坐久玉人鈿雀冷，柳外風吹鬢影。迢迢青粉牆高，隔牆幾點櫻桃。可惜今

年花下，更無人伴吹簫。

陳澤泰

字茹征，上海人，有春柳草堂詞一卷。

點絳脣咏柳

細瘦腰肢，東風搓就黃金縷。和烟拖雨，藏得鶯兒語。一望青青，總是章臺樹。傷心處，江南春去，目送連天絮。

余鵬翀

字少雲，懷寧人，有少雲詞一卷。

眼兒媚

尋夢尋春一色迷，凝望草萋萋。曉煙愁散，輕風愁蕩，夕照愁低。蓮勾香印魂銷處，獨有燕丸泥。珠簾細雨，畫梁明月，夜夜雙棲。

王初桐

初名丕烈，字耿仲，嘉定人，有杯湖款乃。

春光好 秋日水北草堂作

蘆花白，蓼花殷，捲簾看。一帶淡烟紅樹，擁青山。霜冷魚村蟹市，雨荒鷗嶼鼻灘。目盡行雲無限意，倚闌干。

殷如梅

字果園，元和人。

浣溪沙

春夜

暗幌深沉鎖寂寥，慳慳虛度可憐宵，一牕花影半無聊。殘夢醒時燈未燼，閒愁起處酒全消，更堪風竹響蕭蕭。

施

源

字實君，號蒙泉，吳縣人，有愛靜詞。

掃地花

對庭中落葉有感

夕陽影裏，看冷到哀蟬，亂飛無數。小欄日暮，望

西風漸緊，囑伊且住。穀得青青，費了春工幾許。
渾無據，伴葉葉碧雲，飄散何處。離恨難說與，
歎流水無情，怨題人去。夜蛩自語。有籬根未掃，
半淹寒雨，捲入秋烟，向苔陰更聚。黯凝竚，賸蕭
疎，冷紅一樹。

吳錫麒

字聖徵，錢塘人，有有正味齋詞。

齊天樂

翠雲不鎖游仙夢，年年蛻餘催喚。露額垂綏，冰鈿
刻鬢，愛抱柳枝微顫。絲風送綏，裊一縷殘聲，又

過隣院。不定驚魂，惹教涼韻指間換。深牕愁更
落葉，漸吟蛩暗替，身世如幻。碎雨槐邊，頽陽竹
裏，訴盡故宮幽怨。秋陰滿苑，便畫到銖衣，也增
淒惋。似磬飛來，踏莎山寺晚。

楊芳燦

字蓉裳，金匱人，有吟翠軒初稿。

滿江紅蘆花

十月江南，誰描出，淒清暮景。休認是，梨花小
苑，楊花幽徑。千里迷他孤客夢，一行逗出閒鷗
影。正半鉤，微月淡如烟，空江冷。長宵裏，霜

華炯；斜陽外，雲容靜。願伊休點上潘郎愁鬢。紅
蓼灘頭秋已老，丹楓渚畔天初暝。看兩三星火傍空
濛，橫漁艇。

楊

揆

字慕叢，金匱人，有瓊珞香龍詞。

太常引泊天津

蕭條落木近孤城，野色慘冥冥。客思已淒清，那更
聽風聲雨聲。無窮往事，無邊幽恨，迴首不勝
情。今夜數歸程，何處盼長亭短亭。

王翰青

字鄂舟，德清人，有東游草。

憶少年

一江離恨，一襟寒色，一船歸夢。尊鱸了無涉，被秋風吹動。 月子彎彎弦半控，破黃昏笛聲三弄。紅樓已天末，只青山相送。

李方湛

字兆甫，仁和人，有紅杏詞。

惜分飛

繡閣妝殘春睡醒，庭外酸風正緊。紅雨吹成陣，掃

花人到蘼蕪徑。無地理愁愁不定，轉自憐花薄命。恰倚香鋤等，無言立盡斜陽影。

孫源湘

字子瀟，昭文人，有長真閣詞。

昭君怨

花裏一絲雲影，花外一聲清磬。曉露滴衣裳，滿身香。折得幽蘭誰贈？彈出瑤琴誰聽？一蝶繞人飛，自依依。

史

蟠

字田劭，深陽人，有小蘭烟語。

極相思春夜雨

儘他燕掠鶯梢，遣不去無聊。愁愁病病，風風雨雨，過了花朝。驚回一枕江南夢，鳴箏碎亂點齊敲。也都不管，花開花謝，只是瀟瀟。

吳翊鳳

字枚庵，吳縣人，有曼香詞。

齊天樂

掃癡垂問近況，書以示之，時丙午三月松陵舟中

十年不上吹笙路，相看俊游都老。野徑無花，閒門有燕，愁入古園芳草。燒燈過了，問隔水人家，冷煙多少。負盡年華，鈿車密約那曾到。新來吟興

漸嬾，春衫都試徧，猶是寒峭。破夢燈痕，戀衣香氣，消領舊時懷抱。綠窗深窈，知柳外花邊，幾番殘照。如此谿山，甚時歸去好？

張

禮字翼庭，青浦人。

醉公子清溪一曲

別有青溪路，不數秦淮渡。十里靄煙邨，如雲綠到門。鄉味秋風早，蒹葭鱸魚好。撐箇檝頭船，船頭搶影圓。

一痕沙烟邨杳瀟

隔水人家何處，門外綠楊紅樹。遮斷路三叉，小籬
笆。裊裊炊煙茅屋，料是香秔初熟。荷插一翁
歸，背斜暉。

郭 麐

字祥伯，號頰伽，吳江人，有靈芬館詞。

好事近

深院斷無人，拆徧秋千紅索。一桁畫簾開處，在曉
涼池閣。潛行行過曲欄干，往事正思著。猶認墮
釵聲響，却梧桐葉落。

清平樂

小桃如綺，命短東風裏。薄薄輕寒人半臂，且把簾兒垂地。春人如許年華，春閨幾幅牕紗。又是一番寒食，不知多少飛花。

臺城路

同嚴丈歷亭游舒氏園作

薄陰不散霜飛早，園林深貯秋意。水木清蒼，陂陀高下，澹與暮雲無際。紅泥亭子，占一角孤城，七分煙水。最愛疏疏，竹竿萬個滴寒翠。年來俊侶都散，便登山臨水，只恁蕉萃。倦柳攀條，清流照鬢，暗老悲秋身世。荒寒如此，又畫角聲中，夕陽垂地。樹樹西風，暮鴉寒不起。

高陽臺

將反魏塘，疏香女史亦以次日歸吳下，置酒話別，

離懷惘惘。

暗水通潮，癡雲閣雨，微陰不散重城。留得枯荷，
奈他先作離聲。清歌欲遏行雲住，露春纖，竝坐調
笙。莫多情，第一難忘，席上輕盈。天涯我是飄
零慣，任飛花無定，相送人行。見說蘭舟，明朝也
泊長亭。門前記取垂楊樹，只藏他，三兩秋鶯。一
程程，愁水愁風，不要人聽。

史

麟

字仲仁，溧陽人，有五雲溪漁唱。

卜算子

雨夜長蘆芽，難記閒眠處。怪煞煙波不斷流，流夢
橋西去。影外夕陽明，雲際滄江暮。冷眼東風盡
日忙，不爲春帆住。

張惠言

字皋文，陽湖人，有茗柯詞。

相見歡

年年負却花期，過春時。只合安排愁緒，送春歸。
梅花雪，梨花月，總相思。自是春來不覺，去
偏知。

玉樓春

一春長放秋千靜，風雨和愁都未醒。裙邊餘翠掩重簾，釵上落紅傷晚鏡。朝雲卷盡雕闌暝，明月還來照孤凭。東風飛過悄無蹤，却被楊花微送影。

木蘭花慢

楊花

儘飄零盡了，誰人解，當花看。正風避重簾，雨迴深幕，雲護輕幡。尋他一春伴侶，只斷紅，相識夕陽間。未忍無聲墜地，將低重又飛還。疏狂情性算淒涼，耐得到春闌。但月地和梅，花天伴雪，合稱清寒。收將十分春恨，做一天，愁影繞雲山。看

取青青池畔，淚痕點點凝斑。

張

琦

字翰風，陽湖人，有立山詞。

摸魚兒

漸黃昏，楚魂愁斷，啼鴉早又相喚。芳心欲寄天涯路，無奈水遙山遠。春過半，看絲影花痕，冒盡青苔院。好春一片，只付與輕狂蜂兒蝶子，吹送午塵暗。關山客，漫說歸期易算。知他多少淒怨，不會真箇東風妬，已是燕殘鶯嬾。春晚晚，怕花雨，朝來一霎方塘滿。嫣紅誰伴？儘倚徧回闌，暮雲過

盡，空有淚如霰。

周濟

字保緒，一字介存，號止庵，蒲溪人，有味齋詞。

垂楊立冬前七日聞蟬和叔安

秋懷漸遠，聽蒼黃病柳，一聲淒婉。曳入西風，可應還似秋前滿。分明凝絕重低轉，替人說，嫩涼池館。被連番，青女無情，把露華偷翦。知否吟蛩乍緩，便戶下牀頭，不成濃煖。漫立高枝，夕陽偏向疏林展。誰留鬢影誰紈扇？但贏得琴絲題怨。宵來霜月孤行，魂易斷。

蝶戀花

柳絮年年三月暮，斷送鶯花，十里湖邊路。萬轉千回無落處，隨儂只恁低低去。滿眼頽垣欹病樹，縱有餘英，不直封姨妒。煙裏黃沙遮不住，河流日夜東南注。

董士錫

字晉卿，武進人。

江城子丙寅里中作

寒風相送出層城，曉霜凝，畫輪輕。牆內烏啼，牆外少人行。折盡垂楊千萬縷，留不住，此時情。

紅橋獨上數春星，月華生，水天平。鏡裏芙蓉，應向臉邊明。金雁一雙飛過也，空目斷，遠山青。

宋翔鳳

字子庭，長洲人，有香草詞。

高陽臺 次龔定菴韻

雲疊離情，風牽別緒，過來幾箇今宵。人在天涯，雲疊離情，風牽別緒，過來幾箇今宵。人在天涯，芳時各恨飄蕭。尊前莫冒傷心曲，有年時，種種無憀。怕蹉跎，冷到瓊花，咽到瓊簫。休憎一水盈盈隔，喚蘭舟渡去，瑤想全拋。如此相逢，淚斑總漬冰綃。消愁說是杯中酒，爲愁多，酒也難消。又

無端，玉頰微侵，却暈紅潮。

汪全德

字竹素，儀徵人。

唐多令

春水細紋生，春雲綠未成，趁東風第幾山程。溪上碧桃開又落，啼不住，舊時鶯。來日是清明，天涯節序更。一年年飛絮關情。南國不歸春又晚，逢社燕，說飄零。

周之琦

字稚圭，祥符人，有金梁夢月詞。

思佳客

吧上新題間舊題，苦無佳句比紅兒。生憐桃萼初開日，那信楊花有定時。人悄悄，晝遲遲，殷勤好夢託蛛絲。繡幃金鴨熏香坐，說與春寒總不知。

汪潮生

字汝信，江都人，有冬巢詞。

湘春夜月

太淒清，玉簫留住歌塵。誤卻冉冉東風，都化夢無痕。一帶落花如霰，又月明如水，掩上閒門。料燕棲正穩，鶻啼易斷，爭不銷魂！愁時夜永，歡

來酒冷，人去燈昏。未了相思，空對著，一箇清影，偷覷雙身。年華晚晚，奈霎時，多少寒溫。可念否，這心頭意緒，怔忡不定，纔過今春。

項鴻祚

字蓮生，錢塘人，有憶雲詞。

清平樂池上納涼

水天清話，院靜人消夏。蠟炬風搖簾不下，竹影半牆如畫。醉來扶上桃笙，熟羅扇子涼輕。一霎荷塘過雨，明朝便是秋聲。

又元夜

畫樓吹角，酒醒燈花落。梅未開殘風又惡，今日元宵過卻。更更更鼓淒涼，翠綃彈淚千行。併作一江春水，幾時流到錢塘？

東風第一枝擬小山

鬪草庭閒，簸錢院靜，東風吹滿香絮。薄寒尙勒花期，天意似催春暮。杏梁歸燕，幾曾會相思言語。便等閒飛入盧家，不帶離魂同去。空自想俊游伴侶，又煩惱，酒邊心緒。鸞牋待寫深情，腸斷都無新句。初三下九，問舊約更誰憑據？怕有人，盛損雙蛾，日日畫樓聽雨。

沈傳桂

字閩生。長洲人，有鶯天笛夜吟，碧瀟蘿月譜，絮禪居闌語。

高陽臺

韶景方妍，俊遊久歇，言愁真欲愁矣。

酒薄欺寒，衣單約暖，輕塵不散春濃。舊夢笙歌，依然十里簾櫳。看花莫問花深淺，有斜陽，總是愁紅。漫憐儂，燕子人家，細雨空濛。歡盟已誤鈿車約，但閒憑繡檻，倦倚熏籠。廢綠亭臺，一鵲啼瘦東風。能消幾日尋芳去，便翠陰換了香叢。更惺忪，短草平蕪，怨笛煙中。

許宗衡

字海秋，上元人，有玉井山房詩餘。

霓裳中序第一 秋柳

西風又蕭瑟，一樹栖鴉驚落日，舊時門巷寂寂。折
來殘客，有多少心事誰識。樓臺影，絲絲如夢，憔悴
倚荒碧。堪惜，十年蹤跡。莫又向，隨隄悽
惻。臺城煙景非昔。千古傷心，如此顏色，幾人能
遣得。倦眼青青淚溼。關山晚，祇餘短鬢，忍與亂
愁織。

蔣敦復

字劍人，寶山人。

大酺

問一重山，兩重水，天涯知在何處？春來慣消瘦，儘羅衫寬著，黛眉愁嫵。陌上花開，樓頭燕過，芳訊玉關通否？無情終不信，把前番已悔，後期還誤。記楊柳陰中，封侯人遠，白頭飛絮。最憐香夢苦，夜來恨，隔斷長亭樹。漫注念，踏青鬪草，寒食清明，畫羅裙底城南路。東風捲塵去，任一片馬蹏紅雨。奈多病，傷遲暮。相逢須早，縱是傾城

顏色，華年那堪細數！

蔣春霖

字鹿潭，江陰人，有水雲樓詞。

柳梢青

芳草闌門，清明過了，酒滯香塵。白楝花開，海棠花落，容易黃昏。東風陣陣斜曛，任倚遍紅闌未溫。一片春愁，漸吹漸起，卻似春雲。

踏莎行

疊砌苔深，遮窗松密，無人小院纖塵隔。斜陽雙燕欲歸來，卷簾錯放楊花入。 蜨怨香遲，鶯嫌語

澀，老紅吹盡春無力。東風一夜轉平蕪，可憐愁滿
江南北。

揚州慢 癸丑十一月二十七日賊趨京口，報官軍收揚州。

野幕巢烏，旗門噪鵲，譙樓吹斷笳聲。過滄桑一
霎，又舊日蕪城。怕雙燕歸來恨晚，斜陽積閣，不
忍重登。但紅橋風雨，梅花開落空營。劫灰到
處，便遺民見慣都驚。問障扇遮塵，圍棋賭墅，可
奈蒼生。月黑流螢何處？西風黯，鬼火星星。更傷
心南望，隔江無限峯青。

臺城路 易州寄高寄泉

兩年心事西窗雨，闌干背鐙敲徧。雪擁驚沙，星寒大野，馬足關河同賤。羈愁數點。問春去秋來，幾多鴻雁？忘卻華顛，昔時顏色夢中見。青衫鉛淚似洗，斷笳明月裏，涼夜吹怨。古石欹臺，悲風咽筑，酒罷哀歌難遣。飛華亂卷，對萬樹垂楊，故人青眼。霧隱孤城，夕陽山外遠。

木蘭花慢

江行晚過北固山

泊秦淮雨霽，又鐙火，送歸船。正樹擁雲昏，星垂野闊，暝色浮天。蘆邊，夜朝驟起，暈波心，月影盪江圓。夢醒誰歌楚些，泠泠霜激哀絃。嬋娟，

不語對愁眠。往事恨難捐。看莽莽南徐，蒼蒼北固，如此山川。鈎連，更無鐵鎖，任排空，檣櫓自回旋。寂寞魚龍睡穩，傷心付與秋煙。

丁至和

字保庵，有綠詞。

清平樂

丁香開後，小結同心就。日午畫堂沈翠漏，忽見青梅如豆。去年人去京華，今年人未歸家。不是蕭郎飄泊，定應羞殺楊花。

張景祈

字鬪甫，錢塘人，有新術詞。

小重山

幾點疏鴉眷柳條，江南煙草綠，夢迢迢。十年舊約
斷瓊簫。西樓下，何處玉牕驕？酒醒又今宵，畫
屏殘月上，篆香銷。憑將心事記回潮，青谿水，流
得到紅橋。

莊

棧

字中白，丹徒人，有蒿盦詞。

鳳凰臺上憶吹簫

瓜渚煙消，蕪城月冷，何年重與清游？對妝臺明鏡，欲說還羞。多少東風過了，雲縹緲，何處勾留。都非舊，君還記否，吹夢西洲？悠悠，芳辰轉眼，誰料到而今，盡日樓頭。念渡江人遠，儂更添憂。天際音書久斷，還望斷，天際歸舟春回也，怎能教人，忘了閒愁？

王鵬運

字佑遐，臨桂人，有半塘定稿臚稿。

齊天樂

秋光

新霜一夜秋魂醒，涼痕沁人如醉。葉染輕黃，林凋

暗綠，野色猶堪描繪。危樓倦倚，對一抹斜陽，冷
翻鴉背。根觸愁心，暮煙明滅斷霞尾。遙山青到
甚處，澹雲低蘸影，都化秋水。蟹斲鐙疏，雁汀月
小，滴盡鮫人清淚。孤檠綻蕊，算夜讀秋窗，尙饒
滋味。夢落江湖，曙光搖萬葦。

鄭文焯

字叔問，滿洲漢軍人，有樵風樂府。

八聲甘州 西樓九日

喚吟邊，瘦月替珠鐙，扶魂上西樓。歎芳時俊侶，
尊前撥送，墜夢難收。又是黃花勸客，須插少年

頭。一夜涼風思，綠減汀洲。笛外亂峯無語，甚
秋腸寸裂，還聽吹秋。想湖亭多宴，歌淚迸波流。
自銷凝，斷襟零佩，賸水雲，冷社兩三鷗。休重
倚，畫闌高處，殘醉題愁。

虞美人

斷魂空畫相思影，細語成悽哽。鸚哥猶喚舊坊名，
幾度尋春簾幕誤人迎。年時繫馬門前柳，樹更如
腰瘦。月朧懸淚夜盈盈，長見小樓圓夢到天明。

馮

煦

字夢華，金壇人，有夢香室詞。

琵琶仙 野泊寄弟青

何事西風，又催我，點征帆東下？無那寒驛
昏，沈沈怨遙夜。秋色裏，青袍似草，算離恨，不堪重寫。倦倚煙篷，霜空雁杳，誰共情話？最惆悵，石老雲荒，漸忘却城陰舊遊冶。臙有一弓殘月，映晴川如畫。添幾許枯荷敗葦，便夢迴，誤了亭榭。爲語沙際輕鷗，恁時來也？

版二第後利勝月七年六十三國民

三之書叢小學詞
選詞代清

角五元二價定本基冊每

究必印翻 有所權版

編輯者：胡雲翼

出版者：文力出版社

印刷者：辛利印刷所

發行所：教育書店

（本店參加聯營書店）

分發行：聯營書店

重慶 成都
漢口 西安

中華民國五拾叁年八月廿日

贈

蔣夢麟先生遺書

詞學家胡雲翼先生主編

詞學小叢書

| | | |
|---------|-----------|---|
| ① 唐五代詞選 | 基本定價一 | 元 |
| ② 宋名家詞選 | 基本定價四 | 元 |
| ③ 清代詞選 | 基本定價二元五角 | |
| ④ 女性詞選 | 基本定價一元四角 | |
| ⑤ 李後主詞 | 基本定價一元四角 | |
| ⑥ 李清照詞 | 基本定價一元四角 | |
| ⑦ 辛棄疾詞 | 基本定價一元四角 | |
| ⑧ 納蘭性德詞 | 基本定價一 | 元 |
| ⑨ 吳藻 | 詞基本定價一元四角 | |
| ⑩ 詞學研究 | 基本定價二元五角 | |

(全部合購基本定價十二元外贈錄一套)

上海福州路
華東教育書局發行

1500000000



1500000000

聯營編號2133

國立中央圖書館



134418



7

3

教育
書店

封面設計：王鳳儀

籍